



UCAPAN PERASMIAN

**YANG BERTHORMAT PUAN ISNARAISSAH MUNIRAH BINTI MAJILIS
TIMBALAN MENTERI TENAGA, SAINS, TEKNOLOGI, ALAM
SEKITAR DAN PERUBAHAN IKLIM
KEMENTERIAN SUMBER ASLI DAN ALAM SEKITAR**

Sempena

**Pertandingan Akhir Debat Alam Sekitar Antara
Institusi Pendidikan Tinggi Kali Ke-26
Bersempena Hari Alam Sekitar Negara 2019**

3 November 2019

**Universiti Sultan Zainal Abidin (UNISZA)
Terengganu**

**Yang Berbahagia Profesor Dato' Dr. Hassan Basri bin Awang Mat
Dahan
Naib Canselor Universiti Sultan Zainal Abidin**

**Yang Berusaha Puan Norlin bt Jaafar
Ketua Pengarah Jabatan Alam Sekitar**

**Yang Berbahagia Datuk Ir. Dr. Siti Hamisah binti Tapsir
Ketua Pengarah Jabatan Pendidikan Tinggi,
Kementerian Pendidikan Malaysia**

**Yang Berbahagia Profesor Madya Dr Zulkifli Hasan
Pengerusi Majlis Debat Universiti Malaysia (MADUM)**

**Yang Berbahagia Datuk Haji Abang Sallehuddin bin Abg. Shokeran
Ketua Pengarah Dewan Bahasa dan Pustaka (DBP)**

**Yang Berusaha Encik Adnan bin Zainal Abidin
Naib Presiden Eksekutif, Tenaga Diperbaharui dan Gas Petroliam
Nasional Berhad (PETRONAS)**

**Yang Dihormati Yang Dipertua Pertandingan Akhir Debat Alam
Sekitar 2019 dan Barisan Hakim,**

Timbalan Ketua Pengarah Alam Sekitar

Pengarah-pengarah Jabatan Alam Sekitar

Peserta Pertandingan Akhir Debat Alam Sekitar antara Institusi Pengajian Tinggi 2019

YBhg Dato'-Dato', Datin-Datin, Tuan-Tuan dan Puan-Puan yang dihormati sekalian,

Assalamualaikum Warrahmatullahi Wabarakatuh dan Salam Sejahtera.

1. Terlebih dahulu, izinkan saya memanjatkan kesyukuran ke hadrat Illahi kerana dengan izin-Nya dapat kita bersama-sama dalam Pertandingan Akhir Debat Alam Sekitar antara Institusi Pendidikan Tinggi (IPT) kali ke-26 ini. Saya juga mengalu-alukan kehadiran Dato'-Dato', tuan-tuan dan puan-puan sekalian ke majlis ini.
2. Saya juga mengucapkan tahniah dan syabas kepada Jabatan Alam Sekitar, Kementerian Pendidikan Tinggi Malaysia, Majlis Debat Universiti Malaysia (MADUM), Dewan Bahasa dan Pustaka (DBP) dan Universiti Sultan Zainal Abidin dengan kerjasama daripada Petroliam Nasional Berhad (PETRONAS) dalam menjayakan Pertandingan Debat Alam Sekitar antara IPT pada kali ke-26 ini.
3. Pertandingan Debat Alam Sekitar ini telah pertama kalinya diadakan pada tahun 1986 dan menjadi acara tahunan bermula pada tahun 1991, setelah Kerajaan Malaysia mengisytiharkan 21 Oktober setiap tahun sebagai Minggu Alam Sekitar Malaysia (MASM). Pertandingan ini merupakan debat tertua di Malaysia

yang telah mencapai usia 25 tahun atau dikenali sebagai Sambutan Jubli Perak pada tahun 2015.

4. Debat Alam Sekitar kali ini diadakan buat pertama kalinya setelah MASM diberikan nafas baru dengan penjenamaan semula kepada Hari Alam Sekitar Negara (HASN) pada tahun 2016. Tema HASN tahun 2019 adalah "Alam Sekitar Tanggungjawab Bersama" yang telah disambut di seluruh negara pada 19 Oktober 2019 yang lalu.
5. Pada tahun ini, pertandingan debat telah berlangsung sejak 1 November 2019 di Universiti Sultan Zainal Abidin (UniSZA) yang merupakan tuan rumah pada kali ini.

Para hadirin yang dihormati sekalian,

6. Debat pada tahun ini telah dilaksanakan dalam bentuk transformasi yang baharu dan mengutamakan tajuk usul yang selaras dengan keperluan di bawah *Sustainable Development Goal* (SDG) bagi melahirkan generasi pemimpin masa hadapan yang berwibawa khususnya dalam usaha pemuliharaan dan pemeliharaan alam sekitar.
7. Saya difahamkan, selaras dengan inisiatif kementerian ke arah menghindari plastik sekali guna, botol mineral plastik dan bekas makan plastik dielakkan penggunaannya sepanjang pertandingan debat ini berlangsung termasuk pengurangan penggunaan kertas yang secara tidak langsung menyuntik nilai mesra alam (*green assesment*).

Para hadirin yang dihormati sekalian,

8. Dengan adanya program seumpama ini, kelangsungan tekad untuk memelihara dan memulihara alam sekitar di kalangan generasi muda dapat dipertingkatkan di kalangan pelajar, pihak IPT dan sektor swasta. Justeru, marilah kita menghargai program Debat Alam Sekitar ini sebagai satu usaha Kerajaan untuk menjaga alam sekitar yang merupakan suatu anugerah Tuhan yang sangat bernilai dan tiada tandingannya.

Para Hadirin sekalian,

9. Saya berasa sungguh teruja bagi menyaksikan Pertandingan Debat Peringkat Peringkat Akhir pada hari ini. Saya ingin mengambil kesempatan ini untuk mengucapkan selamat berjuang kepada semua pendebat yang akan bertanding sebentar lagi. Tunjukkan semangat dan komitmen sekali gus menyeru semua hadirin di sini supaya lebih bersikap prihatin dan cintakan alam sekitar.
10. Akhir kata, tanpa melengahkan masa, dengan lafaz Bismillahirrohmanirrohim, saya dengan sukacitanya merasmikan Pertandingan Akhir Debat Alam Sekitar antara IPT kali ke-26.

Sekian, terima kasih.